

ზუგდიდის მუნიციპალიტეტი

**სახელმწიფო შესყიდვების განხორციელებასთან დაკავშირებით შექმნილი
სატენდერო კომისიის სხდომის**

ოქმი №1

**11 ივლისი, 2017 წელი
ქ. ზუგდიდი (რუსთაველის ქ. №90)**

სხდომას ესწრებოდნენ:

სატენდერო კომისიის თავმჯდომარე

ლაშა გოგია – ზუგდიდის მუნიციპალიტეტის გამგებელი;

სატენდერო კომისიის წევრები

მამუკა წოწერია – ზუგდიდის მუნიციპალიტეტის გამგებლის პირველი მოადგილე;

თენგიზ შანავა – ადმინისტრაციული სამსახურის უფროსი;

ნანი მიქენაია – საფინანსო-საბიუჯეტო სამსახურის უფროსი;

რუსლან კილასონია – ეკონომიკური პროგრამებისა და ინფრასტრუქტურის სამსახურის უფროსი;

ლაშა ჯაიანი – ზედამხედველობისა და არქიტექტურის სამსახურის უფროსი;

სატენდერო კომისიის აპრატის წევრები

გიგა ფარულავა – შესყიდვების სამსახურის უფროსი;

ბესიკ ქარდავა – შესყიდვების სამსახურის სამშენებლო პროექტებისა და სამუშაოების შესყიდვის განყოფილების უფროსი;

კახაბერ ჯაბუა – შესყიდვების სამსახურის საქონლისა და მომსახურების შესყიდვის განყოფილების უფროსი.

სხდომის უფლებამოსილება განისაზღვრა კომისიის შემადგენლობის უმრავლესობით – ექვსი წევრის დასწრებით.

სხდომის დღის წესრიგი:

ზუგდიდის მუნიციპალიტეტის ოფაჩხაფუს ადმინისტრაციულ ერთეულში ნარაზენის ცენტრალური გზიდან ოფაჩხაფუს ცენტრამდე საავტომობილო გზის სარეაბილიტაციო სამუშაოების სახელმწიფო შესყიდვის განხორციელების მიზნით გამარტივებული ელექტრონული ტენდერის ჩატარების შესახებ განცხადებისა და სატენდერო დოკუმენტაციის განხილვა.

მოისმინეს: სხდომის დღის წესრიგით გათვალისწინებულ საკითხზე სატენდერო კომისიის თავმჯდომარის ლ. გოგიას ინფორმაცია ზუგდიდის მუნიციპალიტეტის ოფაჩხაფუს ადმინისტრაციულ ერთეულში ნარაზენის ცენტრალური გზიდან ოფაჩხაფუს ცენტრამდე საავტომობილო გზის სარეაბილიტაციო სამუშაოების სახელმწიფო შესყიდვის განხორციელებასთან დაკავშირებით და კომისიას განსახილველად გამარტივებული ელექტრონული ტენდერის ჩატარების განცხადების ტექსტი და სატენდერო დოკუმენტაცია წარუდგინა.

სხდომის მსვლელობა: სატენდერო კომისიამ განიხილა სატენდერო განცხადებისა და სატენდერო დოკუმენტაციის პროექტები. დაადგინა ტექნიკური დავალების მონაცემები, საკვალიფიკაციო მოთხოვნები, ხელშეკრულების პირობები და პრეტენდენტის მიერ წარმოსადგენი სატენდერო წინადადების ფორმები.

წარმოდგენილი განაცხადის შესაბამისად, შესყიდვის სავარაუდო ღირებულება განისაზღვრა 216 199,70 ლარით. სამუშაოების შესრულების ვადა გათვალისწინებულია ხელშეკრულების დადებიდან 35 კალენდარული დღე. შესასრულებელი სამუშაოს საგარანტიო ვადა განისაზღვრა 5 წლით.

მოთხოვნა პრეტენდენტის გამოცდილების შესახებ დადგინდა სახელმწიფო შესყიდვების სააგენტოს რეკომენდაციის გათვალისწინებით, რომლის მიხედვითაც ტენდერში მონაწილე პრეტენდენტმა შემსყიდველ ორგანიზაციას საჭიროა წარუდგინოს ანალოგიური პროექტების შესრულების დამადასტურებელი დოკუმენტაცია, რომელთა ჯამური ოდენობა ერთი სრული წლისათვის განისაზღვრება „ალტერნატივა 1“ ფორმულის გამოყენების საშუალებით:

$$\Sigma = E \times 12 \times M/D, \text{ სადაც:}$$

Σ – ტენდერში მოცემული კონკრეტული შესყიდვის ობიექტის წარსულში ანალოგიური შესრულებული სამუშაოების/გაწეული მომსახურების/მიწოდებული საქონლის ჯამური ღირებულება ლარებში;

E – წინამდებარე ტენდერით განსაზღვრული შესყიდვის ობიექტის სავარაუდო ღირებულება ლარებში;

D – წინამდებარე ტენდერით განსაზღვრული შესყიდვის ობიექტის მიწოდების პერიოდის ხანგრძლივობა თვეებში (შესაბამისად, ფორმულის მრიცხველი მრავლდება რიცხვ 12-ზე, ერთი სრული წლის შესაბამისი ოდენობის დაანგარიშებისთვის);

M – მულტიპლიკატორი, რომლის მნიშვნელობა განისაზღვრება პროექტის სირთულის მიხედვით (მოცემულ შემთხვევაში მულტიპლიკატორის ოდენობა არჩეულ იქნა 0,5).

ყოველივე ზემოაღნიშნულის გათვალისწინებით, მითითებული ფორმულის გამოყენებით, საბოლოოდ მიღებული ციფრი, ერთ წელზე შეადგენს 1 297 198 ლარს, ხოლო სამ წელზე 3 891 594,60 ლარს.

სატენდერო კომისიამ შესყიდვის სავარაუდო ღირებულების და მიწოდების ვადების გათვალისწინებით მიზანშეწონილად მიიჩნია ფორმულით მიღებული ციფრი შემცირდეს ნაკლებობისკენ, რაც გაზრდის კონკურენციას და არ ეწინააღმდეგება სახელმწიფო შესყიდვების მარეგულირებელ კანონმდებლობას. შესაბამისად, მოცემულ ტენდერში პრეტენდენტის გამოცდილების შესახებ საჭირო მაჩვენებელი განისაზღვროს 2014 წლის 1 იანვრიდან წინადადებების მიღების დასრულების დღემდე ჯამური ღირებულებით არანაკლებ 1 000 000 ლარის ოდენობით.




გარდა ამისა კომისია მიუთითებს სატენდერო დოკუმენტაციაში სხვა დამატებითი პირობების განსაზღვრის თაობაზე. კონკრეტულად: ერთი ხელშეკრულების ფარგლებში არანაკლებ მიმდინარე ტენდერის სავარაუდო ღირებულების (დაფიქსირებული საბოლოო მიღება-ჩაბარების აქტით) ანალოგიური პროექტის შესრულების შესახებ და საპროექტო-სახარჯთაღრიცხვო დოკუმენტაციის მოთხოვნების გათვალისწინებით, სამშენებლო სამუშაოების წარმოებისათვის საჭირო სამშენებლო ტექნიკის შესახებ ინფორმაციის მოთხოვნა.

შესყიდვის ობიექტის ერთგვაროვნება განისაზღვრა შემდეგი კლასიფიკატორის (CPV) კოდის მიხედვით: „25200000 - სამუშაოები მთლიანი ან ნაწილობრივი მშენებლობისათვის და სამოქალაქო მშენებლობის სამუშაოები“.


კომისიამ გადაწყვიტა: „სახელმწიფო შესყიდვების შესახებ“ საქართველოს კანონით დადგენილი წესის შესაბამისად დამტკიცდეს, ზუგდიდის მუნიციპალიტეტის ოფაჩხაფუს ადმინისტრაციულ ერთეულში ნარაზენის ცენტრალური გზიდან ოფაჩხაფუს ცენტრამდე საავტომობილო გზის სარეაბილიტაციო სამუშაოების შესყიდვაზე წარმოდგენილი განცხადება და სატენდერო დოკუმენტაცია (ტენდერის ჩატარების განცხადების ტექსტი და სატენდერო დოკუმენტაცია თან ერთვის).

დაევალოს სატენდერო კომისიის აპარატს: უზრუნველყოს ტენდერის ჩატარების თაობაზე განცხადების განთავსება და სატენდერო დოკუმენტაციის ატვირთვა სახელმწიფო შესყიდვების სააგენტოს ოფიციალურ ვებგვერდზე (www.procurement.gov.ge).

კომისიის წევრები:

- | | | | | | | |
|----|---|-------------|----------------|----|--|---------------|
| 1. |  | ლ. გოგია | (თავმჯდომარე); | 5. |  | რ. კილასონია; |
| 2. |  | მ. წოწერია; | | 6. |  | ლ. ჯაიანი. |
| 3. |  | თ. შანავა; | | | | |
| 4. |  | ნ. მიქნაია; | | | | |

კომისიის აპარატის წევრები:

- | | | |
|----|---|--------------|
| 1. |  | გ. ფარულავა; |
| 2. |  | ბ. ქარდავა; |
| 3. |  | კ. ჯაბუა. |